

Stadsrekeningen van Alkmaar, bijlagen 1516

Wij vier heere hier nae ghespecificiert bekene
ontfanghe te hebben van die goede stede van
Alkmaar sesten stauers en dat ter cause van
viermael die tabarnakel te dragē ouer dat heili
ghe sacrament Inkennisse der waerheit soe
hebben wij alle vier onse name hier onder
an gheset Heer Wille Jacops
Heer Jan Sjgerox Heer sijbrant piets
Heer iornelijd stael
E-obif lunijst
obif zucht

Archief van de gemeente Alkmaar, 1325-1815, inventarisnummer 575
Bijlagen van de ordinaris en extra-ordinaris thesauriersrekeningen, 1516

Transcriptie: transcriptiewerkgroep Regionaal Archief Alkmaar, 2014.

Wij, vier heeren hiernaes ghespecificiert, bekennen
ontfanghen te hebben van die goede stede van
Alcmaer sestien stuvers ende dat ter cause van
viermael die tabernakel te dragen over dat Heili-
ghe Sacrament. In kennisse der waerheit soe
hebben wij alle vier onse namen hier onder-
an gheset.

heer Willem Jacopz.
heer Jan Sijgerop heer Sijbrant Pieterz.
heer Cornelijs Scorel

Somma xvi s.

Buyser

xvi stuvers

Ic, meester Dierck, ende meester Gerrit ende heer Philips
ende heer Andries Ewoutsoen, wij kennen ende lijden mits
desen als heren ende officieris van dat tabernakel te
dragen, dat wij ontfanghen hebben van den
burghermeesteren daer stede van Alcmaer die somma
van xx stuvers, die eerste voerscen sonnendaech voer
Nativitatis Marie, die ander de Exaltatio Sancte Crucis,
die derde sonnendaechs daernaes, die vierde Mathei,
die vijfde sonnendaechs daernaes. Ende wij heeren
voers. kennen ende lijden van dit tarmien ende van alle voer-
leden tarminen al voldoen te wesen. In kennisse dat
dit waer is soe hebben wij, voers. heren, onsen namen hier-
in ghespecificiert.

burgermeester Gherytz.

[achterkant]

xx stuver

Ick, Fije Willemsdochter, mater ende ministra der susteren van Sinte-Marien
binnen Alcmaer, kenne ende lije ontfangen te hebben van die guede stede
van Alcmaer v currentar gulden, die ons verscenen waren op Sinte-Ma-
thijs in 't jaer van xix vanwegen onse ~~voers.~~ medesuster Gherijt

meestar Jacobdr., van welke v rinsgulden voirs. waer ic die stede van betaelt. Tot een teyken heb ic een andar ghebeden mijn naem hier naem hieronder te ke teykenen.

Snel Claesz.
Fije Willemsdr., mater dar susteren van Sinte-Marien

Ic, Pieter Claess., rentemeester der abdie van Egmont, kenne ende lije ontfanghen te hebben van die goede stede van Alcmaer de summa van twee l. xii s. van xl grooten vlaems van dat conynghynghelt van Alcmaer, die versceynen waren Alreheylyghen anno XV^C XVI. In kennisse der waerheyt soe heb ic dytselver ghescreven opten xv^{sten} dach in novembry anno XV^C XVI

bij mij Pieter Claess. boven ghescreven.

Ic, Karel Gremer, procureur-generael van Hollandt, bekenne ontfangen te hebben van der stede van Alckmar die somme van drie ponden grooten vlaems over een half jaer lijfrenten, verschenen den xvi^{en} dach in februario letsleden, waervan ick mij houde over wel vervoucht ende betaelt, scheldende daarvan quijcte ende van allen voorleden termijnen de voors. stede ende allen anderen quyctancie behouvende. Des t'oorconde mijn handteycken hieronder gestelt upten xxx^{en} dach in maerte anno XV^C ende zesthien na den loop 's Hoofs van Hollandt.

Dirck Allertz. Gremer

Ic, Jan van Almonde, kenne ontfangen van den stede van Alcmaer die somme van vijftien pont van xl grooten 't pont lijffrenten, staende te lijf van Cornelis Philipsz. van Almonde ende was verscheenen te twee termijnen, te weeten in julio ende decembri beyde lesleeden. Des t'orconde mijn hanteycken hieronder gestelt op den eersten dach in januario anno XV^C ende sestien, stilo cursen curie Hollandie.

Dirck Allertz. J. Almonde

Ic, Nelle Jansdochter, kenne mij ontfanghen te hebben van die guede stede van Alcmaer ses rijsse gulden, die mij sij verschenen sijn opten achten dach ~~inde~~ in februario anno vijftienhondert ende seventien ende kenne mij voldaan ende wel betaelt te wesen van dese termijn ende van alle voerleden termijnen. In kennis *der* waerheit heb ic, Nelle Jansdochter, wonende t' Amsterdam opten Groten Hof, *mijn* merck hieronder gheset. Ghedaen opten achten dach in mey anno XV^C ende seventien.

X
Adrian Dircxz.

Ick, *meester* Peter Basgen, priester tot Alcmaer, ken ende lijde mits dezen dat ick *ontfanghen* hebbe van die stede van Alcmaer die *somme* van twaleff rinsgulden op Griete Pietersdr. ende Alijt Pietersdr., *verschenen* te Alreheilighen lestgheleden, *item* noch twaleff rinsgulden lijfrenten op oude Lijsbet Pietersdr. ende Celij Pietersdr., *verschenen* te Karsmisse lestgheleden, *item* noch negentyen rinsgulden losrenten op Pieter Pietersz. ende jonghe Lijsbet Pietersdr., *verschenen* te Alreheylighen lestgheleden, van welke *dezen* ende alle *andere* terminen, ick, *meester* Peter Basgen *voirs.*, ken *mijn* al voldaan ende wel betaelt den leste penning mit den eersten. Des t'oirconde soe heb ick, *meester* Peter *voirscreven*, *dieselfven* ghescreven ende ondergescreven den leste dach decembris anno XV^C twee ende veertich.

Buyser
Petris Basgen, *priester*

Somma xxxiii l.

Wij, heeren ofte prysteren van Alcmaer, heer Simon Pieterz., heer Pieter Govertz. ende heer Aernt Simonz. ende heer Aelbert Dijrickz., *kennen* ende lijden ontfanghen te hebben van den thesaurers van der stede van Alcmaer xvi stuvers, als dat wij heeren ofte preisteren voers. viermael ϵ tabernakel *over* e.z. Heylighen Sacrament ghedraghen hebben ter bedinghe ofte weggen van coninck Karolus van Castylyen, onse liefde heere ofte prince. In kennisse daer wareyt hebben wij, preisteren, een yghelick besonderlinghe hieronder ghescreven sijnen naem anno *Domini* 1516.

heer Pieter Govertz. heer Arent Simonz. heer Allaert
Dirckz. heer Simon Pietersz.
Dirck Allertz.

[achterkant]

[.....]

Wij, heer Symon Pieterz., heer Allert Dirrixoon, heer Roel Janz. ende heer IJsbrant Janz., pryesteren binnen Alcmaer, kennen ende lijen ontfangen te hebben bij handen van den tiegenwoerdigen tesarriers derselver stede die som van vier stuvers ter cause van onsen arbeysloen dat wij dat tabernakel over dat Heylige Sacrament gedregen hebben op Heylich Sacramentsdach. In kennysse des waerheys soe hebben wij, pryesteren voirscreven, onse namen hier onderan geset opten xxiiii^{en} dach in mey anno XV^C XVI.

heer Simon Pietersz.
heer Isbrant Jansoen

heer Allart
Annis Rolands filius Joannis

Dirck Allertz.

Ic, Augustin van Teylingen, in den naeme ende als gemaichticht van meester Anthonis, mijn broeder, bekenne ende lije ontfangen te hebben van der stede van Alcmaer bij handen van den tresoriers derselver stede de somme van zeven ponden tien scellingen van xl groeten 't pont, over een halff jaer rente, staende ten lijve van meester Anthonis, mijn broeder vors., ende Anna, mijn natuerlijke dochter, daer mijn broeder heffer of is, gevallen ende verschenen in der maent van december lestverleden, daerof ende van alle anderen voirliden termijnen ic de vors. stede belove te ontlasten an deselve mijn broeder ende an allen anderen. t'Orconde mijn handteycken hieronder gestelt up den vi^{en} dach van februario anno XV^C ende sestien, na den gemeen scriven.

A. Teylingen

Barthout Gherytsoon

Die stede van Alcmaer heeft betaelt duer handen van Egglin Albertsz., tresorier, in handen van mij, Augustin van Teylingen, substituyt van den rentmeester Willem Goudt, de somme van hondert een ende tnegentich pont dertien scellingen vier pennynge van xl groeten 't pont over de stedepencie in den x^{en} ende eerste termijn,

de grave van Nassou gevallen *Sint-Jansmisse*
lestleden, daerof ic mij houde voldaan. Actum
den iii^e in september *anno XV^C ende sestien*.

A. Teylingen

Jan Gerijtsz., nutertijt baliou van *den Nijburch*, *kenne ende lije ontfangen* te hebben van die stede van *Alcmaer* die *somma van negen pont* stuck, doende vertich groot *vlaems ter cause* van een halff jaer lijffrentten, staende te lieve van broder Geryt Jansz., *carmelyt, ende Guert Jansdochter*, Jan Gerijtz. kinderen, *gewonnen* bij Joests, Jacop Heermans dochter saligge dochter *ende* den langsten levende van hem beyden, daer Jan Gerytz. heeffter off wesen sal sijn *leven lang geduerende, verscenen* den vijftiensten dach in *augusto laeste verleden, van welcke somma van ix libra* medte voirscreven ick mijn houde vervucht van dit *termijn ende* van allen *verleden termijnen*. Des oirtconden mijn hanteyken hieronder *gestelt* den xxviii^{en} dach in *augusto anno XV^C ende sestien*.

Dirck Allertz.

Jan Gerijtsz.

Wij, burgemeesteren ende scepenen der stede van *Alcmaer* ende als uutten name van die gemeene poortereren derselver stede, bekennen sculden te wesen *Michiel Jansz.*, wonende tot *Amsterdamme* in den sterce of den houder van desen, die *somme* van tweehondert negen *ende* tnegentich gouden guldens ende een oert, 't stuck tot acht *ende* twintich stuvers gerekent, die wij hem geloeft hebben ende gelove mits desen uutten name vors., toe betalen upte toecommende *uttreynck* van de *coopvaerders* tot *Amsterdam* *voornoemt*, behoudelick dat hij ons sal *waerscouwen* achte dagen daer tevoeren. Daironder wij setten ende stellen mits desen alle onse goeden *ende* die goeden van de gemeene poortereren vors. *omme* de *voornoemde* betalingen an dien te moegen verhalen, in sulcker manieren als 't hem gelieven sal, alle ding sonder arch ende list. Orconde der *voornoemde* stedezegeel van saicken *hier* beneden angehangen up den xiii^{en} dach in september *anno XV^C ende sestien*.

[achterkant]

A. Teylingen

Wij, Jan Claeszoon, lijndrayer, Jan Gherrytszoon, Jacop

Maeldar ende meester Martyn Floryszoon, huussittenmeesters daer stede van Almar, kennen ende lijen ontfanghen te hebben van die goede stede van Almar hondert rinse gulden, stuck tot xl groet vlaems, die die arme-huussitten alle jars op die stede van Almar *voirscreven* hebben, ende waren *verscenen* te Kersmisse anno XV^C ende vijftyen ende kennen myts desen voldae te wesen van desen termijn ende van alle verleden termijnen. In kennis van desen hebben wij, huussittenmeesters *voirscreven*, elx bijzonder onse merck hieronder gheset op den xxten dach in junio anno XV^C ende XVI.

X X X

Dirck Allertz.

Ic, Augustin van Teylingen, bekenne ende lije ontfangen te hebben van der stede van Almaer bij handen van den tegenwordige trespriers derselver stede de somme van twintich ponden van xl *grooten* over 't leste quartier jaers pencie, mij als pensionarys derselver stede gevallen binnen dese maent van januario, mits dat ick daerof ontset bin van welke leste quartier jaers, mitsgaeders van alle de *andere* vorleden termijnen ic mij houde duechdelijc voldae ende betaelt. t'Orconde mijn handteycken hieronder gestelt up den xx^e in januario anno XV^C ende sestien na den gemeenen scriven.

A. Teylingen

Barthout Gherytz.

[in marge: Rx^a]

Ic, Augustin van Teylingen, rentmeester particulier van den gemeenen lande van Hollant in den *quartiere* van Vrieslant, bekenne ende lije ontfangen te hebben van der stede van Almaer bij handen van Arijs Pietselle, trespriers derselver stede, de vijffhondert drie ende vijftich ponden acht scellingen negen pennynge van xl *groeten* 't pont, over derselver stedepencie in den ommeslach van den gemeenen lande vors. van twee termijnen, daerof gevallen up Kersmisse XV^C ende viertien ende Sint-Jansmisse daeran volgende anno vijftien, daervan ic deselve stede belove te ontlasten. Actum den xxiiii^e

in julio anno XV^C ende sestien.

A. Teylingen

Die burgermeesteren der stede van Alcmer ordineren ende bevelen den tiegenwoerdigen tesauiers derselver stede te geven die som van vijff ponden seventyen schellingen van xl grooten vlaems 't pont ter cause van 't guent dat hierna volgt. Eerst Cornelys Buys se ende Heyndrick Lammertsz. xx s. tesamen van sekere wapenen die sij gemaecht ende gehangen hebben in den exequye van mijn ouwe heer van Egmont saliger gedachten. Item connen Michiel van vier libra wass, elcke pont tot vijff schellingen drye pennynge, facit voer die vier pont xxi s. Item van noch iii l. van een generael distrybutie tot lx priesteren toe. Item noch iiii s. van iiii priesteren die gedient hebben in den exequie voerscreven. Item noch xii s. van vijff priesteren ende myt die coster die gesongen hebben die commendatie, elcke priester ende coster ii s. welcke voerscreven perceelen bedragen den eersten som van v l. xvii s. van xl grooten. Ende myts desen overleverende wij, burgermeesteren voerscreven, ~~wij~~-beloivent uluyden te passeren in 't uitgeven van uwen rekenynch. Actum den xvii^{en} dach in decenbri anno XV^C ende sestien.

Barthout Gherytsoon

Pieter Claess.

Dirck Allertz.

Ic, Pouwels Claeszoon, priester, belij dat mi wel voldaan is van die stede van Alcmaer van tien rijnse gulden current, die verscenen waren die een helft op den xxisten dach in mey ende die ander helft op den xxisten dach in novembri in 't jaer sestien ende bin wel betaelt van allen voortleden terminen, 't welc ic belij mit mijn selfs hant.

Paulis filius Nicolai priester

Dirck Allertz.

Ic, Pieter Harmenz., poerter der stede van Alcmer, kenne ende lije ontfangen te hebben van Aerys Pieterz., tesauiers derselver stede, die som van drye pont van xl grooten vlaems 't pont, in betalinge van hout, spijkers ende arbeytsloen dat ic gecoft ende gewrocht hebbe an dat verlaet opten stenen sluyse bij Willem Brouwers ende dat deur byveel van den burgermeesteren derselver stede. In kennysse des waarheys soe heb ic, Pieter Harmenz. voerscreven, mijn merck hier onderan geset opten xxvi^{en} dach in september XV^C sestien.

Dirck Allertz.

X

Wij, burgermeysteren der stede van Alcmaer, ordyneren ende byvelen onse tesauryer Arys Pieterz. Sel d[at] ghij sult betalen dese naghescreven personen die som van xxxi stuvers ende een ort. Eerst Jan, kaers-
maker, ende Jacop Aerntz., beyde wonende up 't Quakelbruch xxiiii stuvers ter cause van 't reest van hoe[r]
sallarys ende arbeysloen van die dammen te maken van den nye stenen bruck up 't Quakelbruck,
Pieter Claesz. up die Afterdam seven stuvers ende een ort van seven basten ende seylgaern dat die voerscreven
stede ghebesyght heeft om den nye stenen bruck bij Wouuter Egkis. Ende is ghescyet in 't jaer van XV^C
ende XIII. In kennysse der waerheyt soe hebben wij, Snel Claesz. ende Claes Jan Hertgisz., doertertijt
burgermeysteren, elcks bijsonder onse naem hyeronder gheset ende in merer kennysse soe hebben wij, bur-
germeysteren nutertijt wesende, mede onse naem hieronder gheset upten iii^{en} dach in april
anno
XV^C sestyen.

Dirck Allertz.

Snel Claesz.

Claes Jan Heertgeszoen

Ontfangen van den stede van Alcmaer de somme van vijff
ponden zes scellingen zes penningen toe xl grote vlaems 't pont ende dit van den coninckinnengelde der *Conincklijke Majesteyt*, gevallen Alreheyligemisse lestleen. Oerconde mijn hantscrift hier beneden gestelt den x^{en} in *maerte* anno XV^C zestien stilo cursen cury *Hollandie*.

Bronc **Lyevensz.**